



一本堂行餘醫言  
卷之二

武  
511  
2



門中武  
511  
2

一本堂行餘醫言卷之二

平安 杏川修德太冲父著

癥音徵即積

附 癖 痞


癥者謂腹裏塊物。可以手徵者也。即所謂積也。夫腹裏塊物之積以生也。固非一朝一夕之故也。日復一日。月復一月。年復一年。稍稍而累。漸漸而積。雖其初至微。而至積累之久。則可摸索。輒直徵知也。今詳論之。蓋癥之所結不在臟腑腸胃之內。而悉在臟腑腸胃之外。臟腑腸胃充實。腹

行餘醫言

癥

一

一本堂醫言



內固無鍼眼之罅隙。雖其胃上胃下左右小腹無腸臟處亦皆一氣充實。如霧如煙。浮浮勃勃。溫溫煦煦。上出為大呼長聲之基。維持腸臟而舉之。亦未嘗有半點不到之地。夫自朝暮水穀入于胃中。蒸出精華純粹之氣。為血為精。為津液。以百道運輸發達。營養滋潤周身。某往這所。某往那所。機發迅速。斡旋神巧。直從胃中活潑流行。唯賴一元氣之作用。不得自然而然也。倘斯氣之纔微不充也。腸臟之間始成罅隙。塗濁聚焉。此即是癥塊之根基也。而後

罅隙漸廣。塗濁隨積。隨滯隨增。漸累漸結。如米豆如彈丸。如卵桃如拳球。或圓或扁。或長或厚。隨其隙空。形狀不齊。柔韌如肉。堅牢如石。或在上。或在下。或左。或右。或浮。見腹表。或沈。著腹底。或痛。或不痛。或止在一處。不少移易。或蠕動。或衝突。或能食。或不能食。在鳩尾中脘及中道。而沈。壓胃府者。妨食。在左右臍下。及浮在腹面者。不妨食。或支兩脇。上犯膈。腋。或沈着腹底。排抑背脊。上下疼痛。遂乃脊骨突出。或左。屈右。折。或三四。呂。五六。呂。左。傾右。灣。或左。右。背

肉隆起。或左右膈肉低陷。或全背左歪右斜。或揭起動氣。或跳動如驚。或胸痛腹痛。或臍下無力。或覺腹中窄狹。或飽滿不思飲食。或覺飲食如滯。在鳩尾以上。不下降。或急飢對食。却不得喫。或大便結燥。或瀉。或頭痛。成常患。或手倦。懶揮作。或足重。慵行步。或形體怠惰。情志不樂。或悒悒鬱鬱。無歡娛意。或惡寒發熱。或常常止覺。似熱。或手心足心微熱。或逆上面熱。足常冷。及手足俱冷。夜卧不安。或上氣頭重。頭旋目暈。嘔吐痰涎。惡心嘈雜。噫氣吞酸。口苦。口

甘。口淡。食失味。飲食苦。口酸。吐酸水。口裏常水。出口乾咽燥。頻吐唾。飲食遲化。喫物頻傷肌膚。瘦枯。似是證候。千狀萬態。不可悉舉。遂乃成翻胃。成膈噎。成勞瘵。成痲痿。成喘哮。成驚悸。成欬嗽。成癩狂。癩成鼓脹。成水脹。成消渴。成疸生蟲。在婦人。成帶下。成不月。成乳巖。在妊中。為惡阻。在產後。縮乳汁。種種篤疾。多自此而馴致。亦不可言盡也。蓋既結癥塊。則腹裏之氣。不能快運。氣不快運。則不得。不為鬱滯。氣既鬱滯。則諸患因而萌生。鬱滯之極。反為暴動。其

已鬱滯也。成空氣焉。成痰液焉。此癥塊之所以為鬱滯而為諸病證之根基也。

空氣者噫也。噦也。屁也。欠也。鼓脹也。腸鳴也。

痰液者痰也。酸苦。清水。涎唾也。瀉也。水脹也。帶下也。

暴動者欬嗽也。嘔吐也。喘哮也。噦也。

方今泰平百有餘歲。四海乂安。萬民豐饒。人人遊惰。過于飽暖。形耽逸樂。心多勞苦。抖擻精神於百年之蓄積。困擾患慮於一生之活計。加之貪婪于酒食。沈溺于房闈。元氣

何得不疲乎。奔命哉。氣已疲。則運輸自不得不遲緩。而滯結乃生焉。是故今時之人。不問貴賤貧富。莫不結癥與疝者。職此之由也。吾門諄諄專唱癥疝者。直驗今日之人。而然也。須試摸索腹肚。可以見矣。譬如病傷風寒。有惡寒發熱。頭痛脊強。件件諸證者。亦或有癥疝之妨礙。不可特治傷風寒也。不啻傷風寒。諸病亦須每最慮癥之妨礙。故癥之害。無所不至。但貧賤而役。役乎拮据步走者。患之至少。間有之。亦輕。富貴而汲汲乎飽暖急逸者。莫不患之。其間

無者百中之一二耳。靈樞始論積是則是矣。而猶稍過擊也。

靈樞百病始生篇云：積之始生，至其已成，奈何？曰：積之始生，得寒乃生，厥乃成積也。曰：其成積奈何？曰：厥氣生，足惋，惋生脛寒，脛寒則血脉凝滯，血脉凝滯則寒氣上入於腸胃，入於腸胃則膈脹，膈脹則腸外之汁沫迫聚，不得散，日以成積。卒然多食飲，則腸滿，起居不節，用力過度，則絡脉傷，陽絡傷則血外溢，血外溢則衄血，陰絡

傷則血內溢，血內溢則後血，腸胃之絡傷則血溢於腸外，腸外有寒，汁沫與血相搏，則并合凝聚，不得散而積成矣。卒然外中於寒，若內傷於憂怒，則氣上逆，氣上逆則六輸不通，溫氣不行，凝血蘊裏而不散，津液瀦滲著而不去，而積皆成矣。又云：是故虛邪之中入也。始於皮膚，皮膚緩則腠理開，開則邪從毛髮入，留而不去，則傳舍於絡脉，留而不去，傳舍於經，留而不去，傳舍於輸，留而不去，傳舍於伏衝之脉，留而不去，傳舍於腸胃，留而

不去傳舍於腸胃之外募原之間留着於脉稽留而不  
去息而成積

又五變篇云人之善病腸中積聚者何以候之曰皮膚  
薄而不澤肉不堅而淖澤如此則腸胃惡惡則邪氣留  
止積聚乃傷脾胃之間寒温不次邪氣稍至稽積留止  
大聚乃起

素問舉痛論云寒氣客於小腸膜原之間絡血之中血  
泣不得注於大經血氣積留不得行故宿昔而成積矣

又五臟生成論云赤脉之至也喘而堅診曰有積氣在  
中時害於食名曰心痺得之外疾思慮而心虛故邪從  
之白脉之至也喘而浮上虛下實驚有積氣在胃中喘  
而虛名曰肺痺寒熱得之醉而使內也青脉之至也長  
而左右彈有積氣在心下支脉名曰肝痺得之寒濕與  
疝同法腰痛足清頭痛黃脉之至也大而虛有積氣在  
腹中有厥氣名曰厥疝女子同法得之疾使四支汗出  
當風黑脉之至也上堅而大有積氣在小腹與陰名曰

腎痺得之沐浴清水而卧

靈樞又云其着孫絡之脉而成積者其積往來上下臂  
手孫絡之居也浮而緩不能向積而止之故往來移行  
腸胃之閒水湊滲注灌濯濯有音有寒則腹脹滿雷引  
故時切痛其着於陽明之經則挾臍而居飽食則益大  
飢則益小其着於緩筋也似陽明之積飽食則痛飢則  
安其着於腸胃之募原也痛而外連於緩筋飽食則安  
飢則痛其着於伏衝之脉者揣之應手而動發手則熱

氣下於兩股如湯沃之狀其着於齊筋在腸後者飢則  
積見飽則積不見按之不得其着於輸之脉者閉塞不  
通津液不下孔竅乾壅百病始生篇

素問又云厥陰瀦則病少腹積氣少陰瀦則病積澀血  
太陰瀦則病積心腹時滿陽明瀦則病積時善驚太陽  
瀦則病積善時巔疾少陽瀦則病積時筋急目痛四時  
刺逆從論○五常政大論云其動濡積并稿  
長刺節論云病在小腹有積

又云寸口脉沈而橫曰脇下有積腹中有橫積痛平人



氣象論又云盛喘數絕者則病在中結而橫有積矣同上  
 又云推而外之內而不外有心腹積也脉要精微論  
 已上靈素所說不免懸空摸索強為之辭唯寒汁沫之  
 論為可取耳其餘無益于治事姑記以備考證  
 八十一難始說五臟積此為支離之首由是後世遂啓五  
 積六聚目

八十一難云肝之積名曰肥氣在左脇下如覆杯有頭  
 足久不愈令人發欬逆瘡瘻連歲不已○靈樞云肝脉

微急為肥氣在脇下若覆杯邪氣藏府病形篇

心之積名曰伏梁起齊上大如臂上至心下久不愈令  
 人病煩心○靈樞云心脉微緩為伏梁在心下上下行  
 時唾血邪氣藏府病形篇素問云病有少腹盛上下左  
 右皆有根此為何病可治不曰病名曰伏梁曰伏梁何  
 因而得之曰裏大膿血居腸胃之外不可治治之每切  
 按之致死曰何以然曰此下則因陰必下膿血上則迫  
 胃腕生高俠胃腕內癰此久病也難治居齊上為逆居

齊下為從勿動亟奪腹中論○按裏大膿血以下疑是他證答語錯入此處也

若以此文為是則此似以腸癰為伏梁尤可疑為因是注者却謂不獨以心積為伏梁也凡積有內伏而堅強者皆得名之又云人有身體脾股胛皆腫環齊而痛是可謂昧惑矣

為何病曰病名伏梁此風根也其氣溢於大腸而着於肱肱之原在齊下故環齊而痛也不可動之動之為水

濁瀦之病腹中論又見奇病論靈樞云手少陰之筋病內急心承

伏梁下為肘網其病當所過者支轉筋筋痛其成伏梁

唾血膿者死不治經筋篇○又見神農本草虎掌條

脾之積名曰痞氣在胃脘覆大如盤久不愈令人四肢不收發黃疸飲食不為肌膚

肺之積名曰息賁在右脇下覆大如杯久不已令人洒

浙寒熱喘欬發肺癰○靈樞云手太陰之筋病當所過

者支轉筋痛甚成息賁脇急吐血手心主之筋病當所

過者支轉筋前及脅痛息賁經筋篇又云肺脉滑甚為

息賁上氣邪氣臟府病形篇又出素問陰陽別論

腎之積名曰賁豚發於少腹上至心下若豚狀或上或

下無時久不已令人喘逆骨痠少氣○靈樞云腎脉微急為沈厥奔豚足不收不得前後邪氣藏府病形篇○傷寒論云發汗後其人臍下悸者欲作奔豚又云燒鍼令其汗鍼處被寒核起而赤者必發奔豚氣從少腹上衝心者灸其核上各一壯與桂枝加桂湯更加桂三兩金匱方論云師曰病有奔豚有吐膿有驚怖有火邪此四部病皆從驚發得之又曰奔豚病從少腹起上衝咽喉發作欲死復還止皆從驚恐得之又曰奔豚氣上衝胸腹痛

往來寒熱奔豚湯主之責豚又見神農本草獨活杏仁豚卵等條

又見名醫別錄蠅蝦桐木皮等條有名未用鹿良條

素靈言瘕而不言瘕其謂瘕者多是瘕也

如石瘕稱石瘕出靈樞水脹篇血瘕稱血瘕類是也出素問陰陽類論

瘕始見史記扁鵲傳云見五藏瘕結金匱方論連稱瘕瘕神農本草

多言及焉有二十餘條名醫別錄亦同其後又混稱而無別

如蠶瘕蠶瘕凡瘕肉瘕肉瘕之類病源候論已下皆然

蓋瘕即積積即瘕固同一而非有異又謂之瘕瘕即聚聚

即癩亦是同一而非有異。又謂之疝。又謂之疰。究竟癩癧。

即積聚之異名耳。遂有七癩。病源候論有七。八癩。見外臺

引素女經有目。十二癩。癧。出千金方。無目。等目。又有癩癧。此亦癩

癧積聚之變名也。但癧者。自漢已稱之。又指嗜好病為癧。

癧。見金匱方論。又見神農本草名醫別錄肘後方等晉

代有王濟馬癧和嶠錢癧杜預左傳癧語。

癧者。至晉末南北多稱之。其後連稱癧癧。癧亦癧聚耳。

外臺秘要所引廣濟方救急方延年秘錄等稱癧氣千

金翼方稱癧癧。廣濟方崔氏方。延年秘錄皆同。廣濟方必効方延年秘

錄等稱癧癧氣。

後世專指小兒積為癧。非必然也。通謂癧可也。

如乳癧閃癧類是也。唯字轉多。而醫流愈眩惑耳。

歷世漸久。命名益煩。殆至不可舉數。

息積。

素問云。病脇下滿。氣逆。二三歲不已。是為何病。曰病名。

曰息積。此不妨於食。不可灸。積為導。引服藥。藥不能

獨治也 奇病論

飲積

見素問 至真要大論

心腹積

同上 脉要精微論

積聚

見靈樞上膈篇八十一難云病有積有聚何以別之然

積者陰氣也聚者陽氣也故陰沈而伏陽浮而動氣之

所積名曰積氣之所聚名曰聚故積者五藏所生聚者

六府所成也積者陰氣也其始發有常處其痛不離其

部上下有所終始左右有所窮處聚者陽氣也其始發

無根本上下無所留止其痛無常處謂之聚故以是別

知積聚也金匱方論云問曰病有積有聚有聲氣何謂

也師曰積者藏病也終不移聚者府病也發作有時展

轉痛移為可治聲氣者脇下痛按之則愈復發為聲氣

聲與穀同又出神農本草疾疢條

癥瘕

始見金匱方論次出神農本草大黃苦參卷栢海藻白頭翁桃核仁葶藶烏餘

糧莞花鳶尾紫葳龍骨陽起石龜甲等二十餘處又見名醫別錄病源候論千金方已

下皆同病源候論云癥者聚結在內染漸生長塊段盤

牢不移動者是癥也言其形狀可徵驗也瘕假也謂虛

假可動也又云謂其有形假而推移也此舊解也而劉

完素引聖惠方者見原可謂粗也

癥

始見金匱方論次出神農本草中夏枯艸丹參疾藥等條

瘕

見素問大奇論至真要大論

積

同上平人氣象論五常政大論至真要大論舉痛論長刺節論四時刺逆從論又靈樞百病始生篇

聚

出靈樞五色篇

癥結

行餘醫言

癥

出史記扁鵲傳又見大明本草蜀椒條

堅癥癥堅

堅癥見神農本草馬陸條名醫別錄玄參條癥堅見神農本

中蜀漆麻黃牡丹甘遂曾青蜚蠊等條

暴癥

見名醫別錄薇街條肘後方病源候論千金翼稱卒暴癥

虫癥

見肘後方

癥癖

出千金翼方又見外臺祕要所引廣濟方崔氏方

積癥

見千金方

十二癥瘕

出千金方無名目○按中藏經癥有勞氣冷熱虛實風

信况其目亦甚可怪今只舉自以備考

宿癥

見外臺秘要所引集驗方

癥氣

同上集驗方刪繁方

癥塊

同上廣濟方

七癥

三因方以蛟龍蛇鼈肉髮蟲米為七癥

冷癥

見本艸綱目

陽起石條甄權云

○本艸綱目

鼈條作冷癥

水癥

同上菟麻條

小兒癥瘕

見外臺秘要

鼈癥

出肘後方病源候論千金方及外臺秘要所引廣濟方  
集驗方已下皆同○此謂癥狀猶按鼈背手到可輒徵



知耳非謂癥成全鼈形也。病源候論云鼈癥者謂腹內癥結如鼈之形狀是也。若其謂因食鼈肉而生此癥者大妄也。予視此證數人或  
 有自鳩尾生出漸展大及臍者或有自左右肋下生出  
 漸增長及中行者或有鳩尾與臍之間盤牢如撫鼈甲  
 上者皆死不治。巢元方曰昔曾有人共奴俱患鼈癥奴  
 在前死遂破其腹得一白鼈仍故活有人乘白馬來看  
 此鼈白馬遂尿隨落鼈上即縮頭及脚尋以馬尿灌之  
 即化為水其主曰吾將瘥矣即服之果如其言得瘥。出病

源候論其事奇怪不可信也且稱癥者誤也。宋張杲曰景陳第長子拱年七

歲時脇間忽生腫毒隱隱見皮裏一物頗肖鼈形微覺  
 動轉其掣痛不堪忽德興古城村有外醫曰洪豆腐見  
 之使買鮮蝦為羹以食咸疑以為瘡毒所忌之味醫竟  
 令食之下腹未久痛即止喜曰此真鼈癥也吾求其所  
 好以嘗試之爾乃合一藥如療脾胃者而碾附子末二  
 錢投之數服而消明年病復作但如前補治遂絕根本

類編○出醫說此亦可疑也既是腫毒則何謂之癥乎又且用平平藥消散者益可怪矣究竟妄談不可信也

姑記以備考。又古今醫統醫宗必讀並稱魚鼈積者謂食魚鼈生積也。與此鼈瘕異矣。○又名醫別錄粉錫條病源候論及外臺秘要所引崔氏方皆稱鼈瘕者亦非也。

米瘕

病源候論云人有好啞米轉久彌嗜啞之若不得米則胸中清水出得米水便止米不消化遂生瘕結其人常思米不能飲食久則斃醫說云乾德中江浙間有慎道恭者肌瘦如勞唯好食米闕之則口中清水出情似憂

思食米頓便如常眾醫不辨後遇蜀僧道廣處方以雞屎及白米各半合共炒為末以水一中盞調頓服良久病者吐出如米形遂差病源謂米瘕是也。○按此證小兒疳疾多有之即與好喫壁土桴炭手爪不異其謂吐出如米形者妄也。○三因方稱米瘕

食瘕

病源候論云有人卒大能食非其常分因飢值生蔥便大食之乃生一肉塊繞畔有口其病則難愈故謂食瘕

特由不幸致此妖異成癥非飲食生冷過度之疾也此亦間有之事非妖異也名醫類案引齊諧記隆安中郭坦宣室志永徽中崔爽廣異記句容縣佐史酉陽雜俎和州劉錄事等事此皆奇怪不足信也縱使有之亦千萬人中之一二耳何可為常律哉又醫說稱食癥亦非也齊諧記云江夏安陸縣隆安中有人姓郭名坦得天行病後遂大善食一日消斗米家貧不能給行乞於市一日大飢不可忍人家後門有三畦因竊啗之盡兩畦便大悶極卧地須臾大吐吐一物如籠因出地漸消成水此病尋差東坡物類相感志今考相感志無此

事又永徽中崔爽者每食生魚三斗乃足於後飢作鱸未成忍飢不禁遂吐一物如蝦蟆自此不復食鱸矣宣室志又句容縣佐史能啖鱸至數十斤恒食不能縣令聞其能啖乃出百斤史快食至盡因覺氣悶久之吐一物狀如麻鞋底令命洗出安鱸所鱸悉成水醫莫能名之令小吏持往揚州賣之冀有識者誠之若有買者但高舉其價看至幾錢有胡求買增價至三百貫文胡輒還之初無酬酢人謂胡曰是句容縣令家物問此是何物胡云是銷魚之精亦能銷腹中塊物人患者以一片如指端繩繫之置病所其塊即消我本國太子少患此病父求愈病者賞之千金君若見賣當獲大利令竟賣半與之廣異記又和州劉錄事者大曆中罷官居和州旁縣食兼數人尤能食鱸嘗言鱸味未嘗果腹邑客乃網魚數百斤會於野庭觀其下筭劉初食鱸數撲忽似小哽因殼出一骨珠子大如豆乃寘於茶甌中以撲覆之食未半怪覆甌撲傾側舉視之向骨珠子已長數寸

如人狀座客共觀之隨視而長頃刻長及人遂按劉因相殿流血良久各散走一循廳之西一轉廳之左俱及後門相觸翕成一入乃劉也神已癡矣半日方能語訪其所以皆不省之劉自是惡贍西陽雜俎

髮癰

病源候論云有人因食飲內誤有頭髮隨食而入成癰胸喉閉如有蟲上下來去者是也千金方云食中有髮不覺因食而入久即骨閉如有蟲狀上下去來惟欲飲油一日之中乃至三二升不欲飲食者為髮癰方以油一升以香澤煎之大錘鑊貯之安病人頭邊令口鼻臨

油上勿令得飲傳鼻而令有香氣當叫喚取飲不得與之必當疲極大睡其髮癰當從口出令一人專守視之并備石灰一裹見癰出以灰粉手捉癰抽出及盡即是髮也初從腹中出形如不流水中濃菜隨髮長短形亦如之外臺秘要所引廣濟方同此亦雖差涉怪而閒有之事其他亦同醫說云徐文伯字德秀篤好醫術宋明帝宮人患腰痛牽心發則氣絕衆醫以爲肉痕文伯視之曰此髮癰也以油灌之即吐物如髮稍長引之長三尺頭已成蛇又能搖動懸挂上水瀝盡唯餘一髮而已遂愈名醫錄又唐書曰甄權弟立言善醫時有尼明律年六十餘患心腹膨脹身體羸瘦已經

二年立言診其脉曰腹內有蟲當是誤食髮為之耳因令服雄黃須臾吐一蛇如人手小指唯無眼燒之猶有髮氣其疾乃愈又儒門事親云沈丘王宰妻病胃膈不利口涎涎沫自言咽下胃中常雷聲心間作微痛又復發昏胸乳之間灸癰如碁化痰利膈等藥服之三載病亦依然其家知戴人痰藥不損求之涌而出雪白蟲一條長五六寸有口鼻牙齒走於涎中病者忿而斷之中有白髮一莖此正與徐文伯所吐宮人髮癰一同蟲出立安又名醫類案云嘉靖中長洲鄒表妻患小腹下左生一塊形如梅李久之吐出始則腐潰若米糲之狀中則若蜆肉之狀以指撚開則有長髮數條在其內名醫竟不能治遂至不起

凡蟲癰

病源候論云人有多蟲而姓好醫之所醫既多府藏虛

弱不能消之不幸變化生癰而患者亦少俗云蟲癰蟲生長在腹內時有從下部出亦能斃人此亦可怪倘有之則腹內鬱蒸化生蟲也千金方廣濟方同又稱蟲癰三因方

血癰

見神農本草水蛭條及名醫別錄占斯條

大癰

見素問刺熱論

石瘕

靈樞云石瘕何如曰石瘕生於胞中寒氣客於子門子門閉塞氣不得通惡血當寫不寫衄以留止日以益大狀如懷子月事不以時下皆生於女子可導而下水脹此謂生於胞中者血塊而非石瘕也當臍下膀胱外面結硬塊者當謂之石瘕予視十餘人皆死證也其證瘕痛面及手足漸漸枯瘦

血瘕

出素問陰陽類論又見神農本草桃毛名醫別錄玄參日華氣婦條

蟲瘕

見靈樞厥病篇

水瘕

同上邪氣藏府又見甲乙經病形篇

虛瘕

出素問氣厥論虛瘕與伏同

伏瘕見名醫別錄茵陳蒿條

行食醫書

瘕

二十一

本草藏書

瘕聚

同上。骨空論此即疝也。不可為瘕積名。

蟻瘕

出史記倉公傳

遺積瘕

同上

固瘕

出傷寒論

乳瘕

見神農本草槐實條

蛇瘕

同上。白頸蛇。病源候論云人有食蛇不消因腹内生

蛇瘕也亦有蛇之精液誤入飲食內亦令病之其狀常

若飢而食則不下喉噎塞食至胸內即吐出其病在腹

摸揣亦有蛇狀謂蛇瘕也千金方稱蛇瘕外臺秘要所

引崔氏方亦稱蛇瘕又本草綱目蜈蚣條引衛生易簡

方稱蛇癥醫說云隋有患者嘗飢而吞食則下至胃便即吐出醫作噎疾膈氣鬪胃三候治之無驗  
有老醫任瘦視之曰非此三疾蓋因食蛇肉不消而致斯病但揣心腹上有蛇形也病者曰素有風嘗求蛇肉食風稍愈復患此疾矣遂以芒硝大黃合而治之微泄利則愈醫皆記其驗而知蛇癥矣名醫錄

暴癥

見名醫別錄虎林條

氣癥

見肘後方

產癥

出千金方

八癥

出外臺秘要引素女經一曰黃癥二曰青癥三曰燥癥四曰血癥五曰脂癥六曰狐癥七曰蛇癥八曰鼈癥其狀甚詳○病源候論同

斛二癥

醫說云續搜神記有人能飲茗至一斛二斗忽飲過量數升吐出一物如牛肺以茗澆之容一斛二斗因名曰



斛二瘦封演見聞錄○名醫類案云相宜武有一督將

飽裁減升合便以為大不足後有客造之更進五升乃

大吐一物出如升大有口形質縮絛狀似牛肚客乃令

置之盆中以斛二斗複茗澆之此物噙之都盡而止覺

小脹又增五升便悉混然從口中湧出既吐此物遂瘥

或問之此何物荅曰此病名斛茗瘥續搜神記古

瘥結今醫統茶飲茶癖醫宗必讀茶積等皆原于此

見名醫別錄蜀椒

鼈瘦食瘥

共見上

酒瘥

病源候論云人有性嗜酒飲酒既多而食穀常少積久

漸瘦其病遂當患酒不得酒即吐多睡不復能食云是

胃中有蟲使之然名為酒瘥也醫說云齊州士曹席進

孺招所親張彬秀才為館客彬嗜酒每夜必寘數升於

床隅一夕忘設焉夜半大渴求之不可得忿悶呼躁俄

頃嘔吐一物于地旦起視之見床下塊肉如肝而黃上

如峰窠猶微動取酒沃之唧唧有聲始悟平生酒病根

本亟投諸火中後遂不飲丁志此證閒有之子往年登攝  
 州摩耶山其麓客舍主人患之既過數月間予每療奇  
 疾納頭拜地請診脉視之面手黃白枯瘦眼亦無精彩  
 猶且日飲酒一升餘米麥絕不喫予意欲為縛柱術則  
 羸疲之極不可畫策不久必成泉下之人乃悅以甘言  
 而去後聞不幾而斃名醫類案云一人自幼好酒片時  
無酒叫呼不絕全不進食日漸羸  
 瘦或執其手縛柱上將酒與看而不與飲即吐一物如  
 猪肝入酒內其人自此遂惡酒又鎮陽有士人嗜酒日  
 嘗數斗至午夜飲興一發則不可遏一人大醉嘔出一  
 物如舌視無痕巖至欲飲時眼徧其上蠱然而起家人

沃之以酒立盡至常日所飲之數而止遂投之猛火急  
 爆烈為十數片士人由是惡酒○和劑局方稱酒癥酒  
 癖酒積古今醫統醫宗必讀等稱  
 酒積雖有小異而大槩皆本于此

穀癥

病源候論云人有能食而不大便初亦不覺為患久乃  
 腹內成塊結推之可動故名為穀癥也此與前食癥大  
 同而小異古今醫統食積米穀積醫宗必讀穀積亦然  
 肉癥

見外臺祕要千金方千金翼方外臺祕要及所引刪繁

方皆稱肉癥古今醫統肉積五畜胎子積魚鼈積病源

候論云人有病常患肉得肉食訖又患之名為肉癥也

醫說云異苑曰章安有人元嘉中取鴨肉乃成癥病胸

滿面赤不得飲食醫令服秫米須臾煩悶吐一鴨雛身

啄翅皆已成就唯左脚故綴昔所食肉病遂得瘥○又

齊褚澄治李道念有冷痰五年澄曰汝病是食白淪雞

魚癥

病源候論云有人食生魚不消結成魚癥揣之有形狀

如魚是也亦有飲陂湖之水誤有小魚入人腹便即生

長亦有形狀如魚也若其謂形如魚及魚入腹生長者

妄也古今醫統醫宗必讀稱魚鼈積醫林集要稱魚

老血癥

見證類本艸奴柘

寒癥

見本艸綱目陽起石條

若癥

行余醫言

癥

二十六

本草類書

三因方云室女月經不通臍下堅結大如杯升發熱往來下利羸瘦此為血瘕若生肉瘕不可為也血瘕一作氣瘕此即

若瘕證也

瘕塊

出醫學綱目

癖瘕

見古今醫統

宿瘕

同上

雞瘕

見本草綱目

血鼈酒鼈氣鼈

本草綱目莖萐條引仁齋直指云平時嗜酒血入於酒則為酒鼈平時多氣血凝於氣則為氣鼈虛勞瘕冷敗血雜痰則為血鼈搖頭掉尾如蟲之行上侵人咽下蝕人肛或附脇背或隱胸腹大則如鼈小或如錢○血鼈又見

古今醫鑑萬病回春。○醫學正傳云流結于腸胃之間而成積者曰血瘕血蟻肉龜。

見續醫說

大積

出素問六元正紀大論

橫積

同上平人氣象論

飲積

同上至真要大論

積飲

同上六元正氣大論

積氣

同上四時刺逆從論

新積

靈樞衛氣篇

濡積

素問五常政大論

堅積

見神農本草中藥條

血積

同上蜚蠊、蟻、蟲、沙參等條

積癖

出名醫別錄狼毒條

臍下積

見甲乙經又稱臍積

結積

見肘後方又出千金方

癥積

出千金方又見外臺祕要所引古今錄驗

肉積酒積氣積水積涎積食積

許叔微曰大抵治積或以所惡者攻之或以所喜者誘之則易愈如硃砂水銀治肉積神麩麥蘖治酒積水蛭

蟲蟲治血積 木香檳榔治氣積 牽牛甘遂治水積 雄黃

膩粉治涎積 礞石巴豆治食積 各從其類也 本草方

痰積 癖積

張從政又增此二派為九積 儒門事親

沈積

見本草方

精積

王好古湯液本艸云犯月水入房精與積血相射入于

任脉留于胞中古人謂之精積 古人指何人又未見古書有此稱目尤可怪也

柑橘積

見丹溪心法附餘

熱積 寒積

出仁齋直指

水飲積

見醫林集要

血水積

見本州綱目

麥藥附方引婦人經驗方云產後青腫乃血水積也

瘡積

出醫宗必讀

蟲積

見赤水玄珠

蛋積狗肉積

出醫宗必讀

古今醫統五畜胎子積魚鱉積醫林集要及赤水玄珠魚蟹積皆此類

茶積穀積

同上

果子積

見本州綱目

胡黃連主治朱震亨云又赤水玄珠及醫林集要果菜積皆同

糯米積

同上

麩麩米麩主治李時珍云

五菜積

見古今醫統

醫宗必讀菜積同

粉粥積

行餘醫言

癥

三十一

一



同上醫宗必讀麩積同又赤水玄珠索粉積糕糕傷積皆此類汪機亦云豆腐積出本艸綱目菜菔主治

見上

大聚

出素問六元正氣大論靈樞五變篇

盛聚

出靈樞厥病篇

瘕聚

見八十一難

結聚

見神農本草巴豆及假蘇條

氣聚

同上酸棗仁條

六聚

始出八十一難次見金匱方論而至連稱五積六聚則後世多言之雖中藏經云聚有大腸小腸膽胃膀胱三

焦之六名而其書偽撰固不足據故不取焉

癖

見外臺祕要所引必效方崔氏方

堅癖

出金匱方論又見神農本草礬石條

留癖

見神農本草薺花朴硝等條

痰癖

八十一條

同上

巴豆條

又見名醫別錄

枳實蘭草檳榔食鹽等條

漏癖

飢癖

癖食

並出脉經又見病源候論

久癖

同上又見病源候論千金方及外臺祕要所引古今錄

驗集驗方

癖結

冷癖

熱癖

並出肘後方癖結又見病源候論及外臺祕要所引廣

濟方救急方冷癖又見名醫別錄石礫黃條文稱小兒冷癖

見外臺祕要所引劉氏方

癖氣

出名醫別錄雄黃條又見千金方外臺祕要所引必効方

癖飲

同上桑耳條又見外臺祕要所引崔氏方

懸癖

酒癖

飲癖

並見病源候論

水癖

同上又見千金方

疝癖

出千金翼方又見外臺祕要所引廣濟方崔氏方延年  
祕錄後稱疝癖皆原于此

疝癖氣

同上廣濟方延年祕錄必効方

寒癖

同上深師方又見脉經及病源候論

閃癖

宿癖

同上並見崔氏方

又本草綱目胡瓜及鸛  
條陳藏器云小兒閃癖

塊癖

見儒門事親○七種癖塊出和劑局方無目

血癖

老癖

脾癖

奶癖

小兒乳癖。

小兒氣癖。

並見本艸綱目。血癖、脾癖。並見大黃條。老癖見蛤蜊肉。主治掌禹錫云。又見證類本艸荆三稜。

條。奶癖見鷹條。小兒乳癖見白芥子條。引本艸權度。小兒氣癖見荆三稜條。引了母祕錄。

驚癖。

見醫學綱目。

水飲癖。

出古今醫統。

疝氣。

出外臺祕要所引廣濟方。救急方。延年祕錄等。

冷疝。

見和劑局方。

氣塊。

見本艸綱目。鯉魚條。陳藏器云。冷氣疝。氣塊。橫關。伏梁。結在心腹。按氣不可謂塊。語也。

涎塊。

出醫林集要。

瘡母

金匱方論云病瘡以月一日發當以十五日愈設不差  
 當月盡解如其不差當云何師曰此結為癰瘕名曰瘡  
 母急治之空輦甲煎丸此謂瘡母即癰之名也瘡自此  
 癰生出故謂之瘡母蓋瘡人雖曾有癰在腹裏未可見  
 知今也瘡久不差漸瘦肉脫腹亦瘦減始現塊物可手  
 到輒徵知也甚者塊物墳起如饅頭高於腹面不須摸  
 索目視之可直見後世謂由瘡生此積者大非也若然

則可謂之瘡子而不可謂瘡母矣其昧於字也如是哉

赤水玄珠云瘡母又名肥氣非也

蛟龍病

病源候論云蛟龍病者云三月八月蛟龍子生在芥菜  
 上人食芥菜不幸隨食入人腹變成蛟龍其病之狀發  
 則如癩三因方謂此為龍瘕此謂癩癩而生蟲耳非實  
 也○按名醫類案云昔有患者飲食如故發則如癩面  
 色青黃小腹脹滿狀如妊孕醫診其脉與證皆異而難  
 明主療忽有一山叟曰聞開皇六年灞橋有患此病蓋  
 因三月八月邊水食芥菜得之有識者曰此蛟龍病也

為龍游於芥菜之上，不幸食之而病也。遂以寒食餽，每劑五合，服之數劑，吐出一物，形雖小而狀似蛟龍，且有兩頭，獲愈。又云，有黃門奉使交廣，回周顧謂曰：此人腹中有蛟龍，上驚問黃門曰：卿有疾否？曰：臣馳馬大庾嶺，時大熱，困且渴，遂飲水，覺腹中堅痞，如石，周遂消石及雄黃者，服之，立吐一物，長數寸，大如指，鱗甲具，投之水，中俄頃，長數尺，復以苦酒沃之，如故，以器覆之，明日已生一龍矣。上甚為之驚訝，明皇雜錄，此亦變怪，固不可信。又病源候論，舉腹內有人聲，候後世謂之應聲蟲。又本艸綱目，白僵蠶條，引晉濟方，有腹內龜病，又有酒蠶，氣蠶，血蠶，此皆僻名，或可入諸蟲門乎。

積魚。鱗積。魚積。五畜胎子積。麪積。豆腐積。荳粉積。索粉積。蛇癥。肉癥。酒癥。米癥。髮癥。蟲癥。斛茗癥。米穀積。米積。魚蠶。

糞糕傷積。

已上皆見上。

痞。

出傷寒論。

痞堅。

痞逆。

痞飲。

並見素問。

六元正紀大論。

行餘醫言

癥

三十八

本草綱目

氣痞。

心下痞。

並見傷寒論。

堅痞。

痞結。

並出神農本草。堅痞見蜚蠊條。又見名醫別錄半夏條。痞結見乾漆條。又見名醫別錄馬陸條。

久痞。

出千金方。

八痞。

見千金翼方。無名。又外臺祕要所引崔氏方稱八種痞。

塞。和劑局方。已下皆同。

三痞。

見中藏經云。上痞。中痞。下痞。甚鑿說也。

噎痞。

肺痞。

並見和劑局方。



悶痞。

見本艸綱目。奴柘條。

痰痞。

同上。諸本條陳藏器曰。

寒痞。

濕痞。

燥痞。

並見醫學綱目。

痞塞。

膈痞。

並見證治要訣。

熱痞。

見本艸綱目。葛根條引。開寶本艸。

水痞。

同上。澤蔞條。○木條引王好古。

痞塊。

見古今醫統

結氣

見本艸綱目葶藶條又  
雲實條

氣妨

同上。候莎條。○右此二條  
即痞也故附于此。

否。

出素問五常政大論其病  
否諸說皆以為痞。

八否。

出病源候論云否者塞也言府藏否塞不宣通也。由憂  
志氣積或墜墮內損所致其病腹內氣結脹滿時時壯  
熱是也其名有八故云八否而方家不的顯其證狀范  
汪所錄華佗太一決疑雙丸方云治八否五疝亦不說  
八否之名也。

五否六否。

同上。

否塞。

否痛。

否滿。

否腫。

否膈堅否。

並同上。

否塞、否痛見五常政大論。否滿、否腫見至真要大論。否膈堅否見六元正紀大論。

痞氣。

出八十一難。

實痞虛痞。

見丹溪纂要

已上濫名。不堪其煩。今詳辯別。折衷諸說。夫積為陰。為藏。病聚為陽。為府。病肇于秦越人。而張仲景亦從之。爾來至後世。咸奉為定說。自吾門觀之。則未可也。陰陽醫家之故態。固不須論焉。如以積聚配當藏府。甚背道理。不容不辨也。蓋積者。鬱滯之極。漸累以至堆積也。即癥是也。謂結塊堅牢。盤坐不移。手到可直。徵知也。又謂之癖。聚者。忽聚忽散。有無不定。發止無常也。即疝是也。又謂之瘕。又謂之瘕。

唯痞較有小異。蓋痞者謂上自胃中下至中脘氣滯而不散凝結為團似如有物按之雖硬而其實則空而唯凝氣而已矣。故仲景云氣痞是也。古今獨仲景詳言其狀。

傷寒論云傷寒五六日嘔而發熱者此胡湯證具而以此藥下之。此胡證仍在者復與此胡湯。此雖已下之。不為逆。必蒸蒸而振却發熱汗出而解。若心下滿而鞭痛者此為結胸也。但滿而不痛者此為痞。又云病發於陽而反下之熱入因為結胸。病發於陰而反下之因作痞。

所以成結胸者以下之太早故也。又云脈浮而緊而復下之緊反入裏則作痞。按之自濡但氣痞耳。又云太陽病醫發汗遂發熱惡寒因復下之心下痞表裏俱虛陰陽氣並竭。又云心下痞按之濡其脈關上浮者大黃黃連瀉心湯主之。又云心下痞而復惡寒汗出者附子瀉心湯主之。又云本以下之故心下痞與瀉心湯痞不解其人渴而口燥煩小便不利者五苓散主之。又云傷寒汗出解之後胃中不和心下痞鞭乾噫食臭脇下有水。

氣腹中雷鳴下利者生薑瀉心湯主之又云傷寒中風  
 醫反下之其人下利日數十行穀不化腹中雷鳴心下  
 痞鞭而滿乾嘔心煩不得安醫見心下痞謂病不盡復  
 下之其痞益甚此非結熱但以胃中虛客氣上逆故使  
 鞭也又云傷寒服湯藥下利不止心下痞鞭服瀉心湯  
 已復以他藥下之利不止醫以理中與之利益甚理中  
 者理中焦此利在下焦赤石脂禹餘糧湯主之復利不  
 止者當利其小便又云傷寒吐下後發汗虛煩脈甚微

則本中  
作下

八九日心下痞鞭脇下痛氣上衝咽喉眩冒經脈動惕  
 者久而成痿又云傷寒發汗若吐若下解後心下痞鞭  
 噫氣不除者旋復代赭石湯主之又云太陽病外證未  
 除而數下之遂協熱而利利下不止心下痞鞭表裏不  
 解者桂枝人蔞湯主之又云傷寒大下後復發汗心下  
 痞惡寒者表未解也不可攻痞當先解表表解乃可攻  
 痞又云傷寒發熱汗出不解心中痞鞭嘔吐而下利者  
 大芫胡湯主之又云病脇下素有痞連在臍傍痛引少

腹入陰筋者此名藏結死又云太陽中風下利嘔逆表  
 解者乃可攻之其人熱熱汗出發作有時頭痛心下痞  
 鞭滿引脇下痛乾嘔短氣汗出不惡寒者此表解裏未  
 和也又云太陽與少陽併病頭項強痛或眩冒時如結  
 胸心下痞鞭者當刺大椎第一間肺俞肝俞慎不可發  
 汗其他如心下支結與鞭與滿證狀非一須就本論參  
 考又金匱方論有心中痞究竟結胸胸痺亦此類耳  
 普考徃昔積聚癥瘕疝痞混稱不一如石癥稱石瘕

出靈樞水脹篇血癥稱血瘕出素問陰陽類論又見神農本草名醫別錄等及稱蟲瘕出

樞歟蛇瘕見神農本草病篇蛇瘕蛇蚘蚘條長瘕出南史鼈瘕米瘕見千金類皆同或

稱積氣見積氣即疝也聚也瘕也初雖因氣而積而及既

成塊物則可謂之瘕何得稱積氣哉後世稱瘕氣出名醫別錄

瘕氣見外臺秘要氣瘕出子母秘錄氣塊見本草綱目所引陳藏器云氣積出本草

類皆同古今論積聚瘕瘕者不一樣如朱震亨謂氣不能

成塊成聚塊乃有形之物則尚可聞矣其分左右痰血者

妄也

丹溪心法附餘云痞塊在中為痰飲在右為食積在左為血塊氣不能成塊成聚塊乃有形之物也痰與食積死血而成

如陳言謂龍蛇魚鼈等事皆出偶然但飲食間誤中之留聚腹臟假血而成自有活性則尚可聞矣其以癥瘕屬肝部積聚屬肺部七者火數屬心八者木數屬肝等說亦益虛妄也

三因方云癥瘕積聚隨氣血以分門故方云以癥瘕屬肝部積聚屬肺部不亦明矣况七者火數屬心蓋血生於心八者木數屬肝蓋血歸於肝雖曰強分理似不混夫癥者堅也堅則難破瘕者假也假物成形然七癥八瘕之名經論亦不詳出雖有蛟龍蛇鼈肉髮蟲米等七證初非定名偶因食物相感而致患耳若婦人七癥八瘕則由內外不內外因動傷五臟氣血而成古人將婦人病為痼疾以蛟龍等為生瘕然亦不必如此執泥婦人癥瘕並屬血病龍蛇魚鼈等事皆出偶然但飲食間

誤中之留聚腹臟假血而成自有活性亦猶水微中僧  
 病噎者腹有一物其狀如魚即生瘕也與夫宿血停凝  
 結為胚塊雖內外所感之不同治法當以類相從所謂  
 醫者意也如以敗梳治蝨瘕銅屑治龍瘕麩藥治米瘕  
 石灰治髮瘕如此等類方論至多不復繁引學者可以  
 理解此論含糊不決固不足舉聃為本論考證記以資  
 課故王機微義引此論曰按此論積聚等屬臟部蓋分  
 氣血爾亦不必拘此然生瘕亦有外因而成者如昔之

徐之才治取蛤精疾生於足間者若此陳於三因何不  
 之及又曰積者實停蓄之總名瘕者有所成而名之亦  
 皆積爾瘕者血病也似不可言為聚聚者陽氣也然大  
 小腸移熱為瘕如此則亦聚爾但前人施治亦未見有  
 分其異同者此知瘕積之為一而不知瘕聚亦為一反  
 為瘕血病等說元由不透達文字故也瘕瘕即積聚之  
 異名耳凡不知此意者皆空就之取斷矣  
 又如張從政用吐下法治積此大虛妄尤不可信也此乃



暴疾滯食。在腸胃中者。而後可用是法耳。夫積者。腸胃外  
 硬物。隔一層皮膜。雖使用藥峻攻強擊。豈有腸胃外久漸  
 結堅。積癥破穿皮膜。入來腸胃內。上吐出。而下瀉出之理  
 乎。不思甚矣。善哉朱震亨云。凡積不可用下藥。徒損真氣  
 病亦不去。予每謂從政之書。甚可疑矣。恐欲過褒從政。矯  
 激以釀其罪惡耳。如其書說。則必是所治一人。而所殺十  
 人也。猶角觝夫。談勝不言負也。後人偽撰。亦猶黃承昊作  
 薛氏醫案。反愚薛已也。

詳見儒門事親薛氏醫案

又如張元素云。養正積自除。此亦固非治積法。乃是今時  
 醫流。每臨病人。不議去疾。而動輒專一唱言大補元氣之  
 意也。非關治積事也。無用之言耳。

見證治準繩

况乎其他醫流所著方書。皆是勦說雷同。蹈襲舊論。無一  
 述的切正當深詣親造之實論。

張介賓曰。凡堅韌之積。必在腸胃之外。募原之間。原非

藥力所能猝至。○然此堅頑之積非用火攻終難消散。故莫妙於灸。余在燕都嘗治愈痞塊在左脇者數人。則皆以灸法收功也。此言較勝衆說。猶且有用藥攻外之言。又云然猶有不可按穴者。如痞之最堅處。或頭或尾。或突或動處。但察其脈絡所由者。皆當按其處而通。灸之火力所到。則其堅聚之氣自然以漸解散。有神化之妙也。第灸痞之法。非一次便能必效。務須或彼或此。擇其要者。至再至三。連次陸續灸之。無有不愈者。見景岳全書

此猶稍為彼善于此也。若夫楊士瀛云。挾水為癖。挾血

為癥。見仁齋直指馮兆張云。癥因傷食得之。瘕因傷血得之。

痞因傷氣得之。癖因積得之。見錦囊秘錄俱是拘泥不足論也。

也。

又孫一奎舉汪子良說。為能辨秦越人膠固難通者。此亦調停強解。無益之冗言也。

詳見赤水玄珠文長不暇錄。

後世又別立痞門。若其為詳說則有之。但恐不免喜多其

稱耳。痞固疝瘕聚之類。何可別立門乎。若上所論而足矣。况以痞滿痞塊立門乎。其誤甚矣。痞自是痞滿。自是滿元。非一事。何得併為一乎。且痞無塊。亦何得連稱痞塊乎。既有塊。則是瘕矣。固非痞也。痞者。唯謂自胸中至中脘。空氣鬱而不散。滯結為團耳。詳見于上。仁齋直指丹溪纂要古

以痞滿立門。證治要訣。以痞塞立門。古今醫統。以痞塊立門者。尤非也。

錄補戴思恭云。有正當積聚處。內熱如火。漸漸徧及四肢。一日數發。如此二三日。又愈。此不當攻其熱。見證治要訣

此間有之。事故表出焉。

凡其父母有此疾者。其子在襁褓腹中。既有塊物。况嬰孩之際。由瘕塊成。諸證者。比比而有。或有成奇證怪狀者。或有生出時。無何異。後終成不完之軀者。為父母者。畏之勿忽。諸執術者。亦不可不留心于此也。其餘如喘哮癩癩。多是父母之傳遺也。觀之可以見也。

附字辨癥。即積之可徵者。積即癥。癥即積。但積元虛字。非病名。大丸累聚堆壘之萬品。皆可謂積。故今改稱癥。即積之堅硬。按之應手。可徵知也。玉篇云。腹結病也。是也。癥即聚。聚即癥。亦猶積與癥同也。癥假也。雖假成形。忽散去。無所有。故謂癥也。由假有形。稱之耳。非全存形質不散。如癥積一定不動也。聚亦虛字。非病名。大丸會萃歸湊。萬彙皆可謂聚。故今不用聚字。易之以癥。癥即疝也。故古多連稱疝癥。素問又云。男子內結七疝。女子帶下癥聚。由是說文。

云。癥。女病也。非也。不分男女。皆可稱癥。故今皆改用疝。以其被誤多岐也。癥乎。加切。音遐。癖亦積也。按字彙。正字通。並云。癥。癖。腹內積聚。康熙字典云。玉篇。食不消。增韻。癥。癥。腹積聚。皆非也。癥。非癖。癖。非癥。癥。與癥。一類。癥。與疝。一類。癖。古書混書。癖。醫書注。為癖。積。如腸。癖。是也。憶。癖。即。癥。積。之。變。通。故。今。斷。為。積。義。後。世。謂。小。兒。積。專。為。癖。者。亦。非。也。古。多。連。稱。癥。癖。癖。匹。亦。切。音。僻。古。今。醫。統。云。癖。者。僻。也。飲。癖。內。傷。脾胃。外。無。形。迹。其。人。面。黃。肌。瘦。四。肢。困。乏。而。精。神。悞。悴。是。也。又。云。病。在。五。內。而。不。可。以。形。狀。求。也。醫。宗。必。讀。

云。內。結。于。隱。僻。外。不。可。見。也。萬。病。醫。衡。云。癥。癖。者。懸。掛。偏。僻。之。意。也。此。俱。就。隱。僻。偏。僻。意。為。解。亦。未。得。為。全。備。也。癥。者。弦。也。假。為。形。狀。猶。弓。弦。張。也。腹。內。癥。聚。上。下。左。右。牽。引。拘。急。如。筋。如。弦。故。謂。之。癥。此。即。疝。也。疝。字。通。康熙字典。並。引。六。書。故。癖。積。弦。急。也。是。說。為。最。近。馬。字。彙。云。小。腹。下。病。亦。幾。言。疝。癥。廣。韻。云。癖。病。非。也。古。今。醫。統。云。癥。者。邊。旁。氣。血。凝。於。肌。肉。之。間。而。成。癥。也。狀。類。痞。塊。之。形。而。尤。見。著。者。也。醫。宗。必。讀。云。皮。厚。也。在。肌。肉。之。間。而。可。見。者。也。此。並。眩。皮。厚。字。訓。以。為。謂。外。面。之。凝。聚。大。非。也。如。是。則。此。結。核。癥。癥。瘡。瘍。之。類。而。非。腹。內。之。疾。何。得。連。稱。癥。癖。乎。醫。人。之。昧。字。義。也。一。至。究。竟。癥。癖。亦。猶。連。稱。積。聚。癥。癥。之。意。癥。積。于。茲。矣。可。笑。哉。

癖是一類。瘕聚痞疝是一類。連稱痞癖。不稱癖疝。亦猶不謂陽陰火水。而謂陰陽水火。此乃古人連稱熟語耳。疝胡田切。音賢。痞者否也。即易否卦義。天地不交。閉塞不行之意。凡自胸中至心下胃上。滯氣滿塞不散。謂之痞。但胃中痞。覺心下鬱滿耳。至心下痞。則有鞭者。雖鞭而非塊物。其滯氣滿塞凝結。而鞭傷寒論云。痞鞭是也。又云。滿而不痛者。此為痞。說文云。痛也。廣韻云。腹內結痛並非也。正字通康熙字典。並引增韻。氣隔不通。字典又引徐鍇曰。病結也。

玉篇腹內結病。可以見也。後世稱痞塊。別立痞塊門者。今

醫甚非也。但痞做虛字用。則可相通用。如素問稱否是也。

專為病名。則以氣痞為主。可也。又按劉煦釋名云。痞否也。

氣否結也。考諸字書。並無痞字。可疑。○又李仲梓云。瘕精

也。瘕遺也。歷年遐遠之謂也。積跡也。挾痰血而成形跡。聚緒也。依元氣以為端緒。痞癖者。懸絕隱僻。又玄妙莫測之名。又云。痞與瘕癖。乃胸膈間之候。積與聚為肚腹內之疾。因屬上中二焦之故。多見於男子。瘕與瘕獨見於臍下。是下焦之疾。故常得於婦人。見病機沙篆。又張三錫云。積者跡也。腹中有形不移者是也。聚者或濁氣叢聚。或上或下。聚散不常是也。瘕癖者。玄絕隱僻。或隱或現。莫能以測是也。腹中有形可證。謂之瘕。假物而成。謂之瘕。皆濁氣痰血

疑聚而成見醫學六要此甚僻  
說妄言不可不辨故附錄焉

婦人良方云痃者在腹內近臍左右有筋脉急痛如臂  
如指如弦之狀癖者僻在兩肋之間有時而痛

一本堂行餘醫言卷之二畢

明治廿年丁亥八月初五日  
三讀  
白峯岡直

